

Broj: 01-04-6-02219-4/2021
Sarajevo, 6.12.2021. godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke broj 01-04-6-02219-3/2021 od 3.12.2021. godine, Direktor Federalne uprave za inspekcijske poslove, u ime ugovornog organa donosi

ODLUKU

o izboru najpovoljnijeg ponuđača i dodjeli ugovora

Član 1.

Prihvata se preporuka Komisije za javnu nabavku broj 01-04-6-02219-3/2021 od 3.12.2021. godine, te se ugovor o javnoj nabavci roba-informatička oprema (lot 1.) dodjeljuje ponuđaču „Kamer Commerce“ d.o.o. Sarajevo, čija ponuda broj 811/21 od 2.12.2021. godine je nakon provedenog otvorenog postupka uz primjenu e-aukcije ocijenjena najpovoljnijom.

Član 2.

Ugovor sa ponuđačem „Kamer Commerce“ d.o.o. Sarajevo, zaključit će se pod slijedećim uslovima:

- ukupna cijena bez PDV-a 104.797,29 KM bez uračunatog PDV-a, odnosno 122.612,83 KM sa PDV-om
- rok isporuke roba: najkasnije do 31.12.2021. godine na adresu Federalne uprave za inspekcijske poslove u Sarajevu, Fehima ef. Ćurčića broj 6, 71000 Sarajevo
- garantni rokovi ponuđenih roba definisani su u tehničkim specifikacijama koje će biti sastavni dio ugovora koji će se zaključiti
- rok i način plaćanja: plaćanje će ugovorni organ izvršiti najkasnije u roku od 30 (trideset) dana od dana prijema fakture
- period trajanja ugovora: ugovor će se zaključiti do izvršenja predmeta ugovora.

Član 3.

Izabarani ponuđač iz člana 1. odluke je dužan u roku od 5 (pet) dana od dana prijema ove odluke dostaviti ugovornom organu dokaze zahtjevane članom 45. Zakona o javnim nabavkama i tačkom 11. tenderske dokumentacije, kojim potvrđuje da:

- a) u krivičnom postupku nije osuđen pravosnažnom presudom za krivična djela organizovanog kriminala, korupcije, prevare ili pranja novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

Dokazi koje će dostaviti izabrani ponuđač moraju sadržavati potvrdu da je u momentu predaje ponude ispunjavao uvjete iz člana 45. ZJN i odredbi tenderske dokumentacije.

Ukoliko izabrani ponuđač u roku ostavljenom stavom (1) ovog člana ne dostavi naprijed tražene dokaze u ostavljenom roku, odnosno ukoliko dostavi dokaze koji ne budu potvrđivali da je u vrijeme predaje ponude ispunjavao uvjete iz člana 45. ZJN, isti će biti isključen iz daljeg učešća u postupku javne nabavke zbog neispunjavanja uslova za kvalifikaciju.

Član 4.

Ova odluka će se objaviti na web stranici Federalne uprave za inspeksijske poslove.

O b r a z l o ž e n j e

Na osnovu odluke direktora Federalne uprave za inspeksijske poslove broj 01-04-6-02219/2021 od 2.11.2021. godine pokrenut je otvoreni postupak uz primjenu e-aukcije za nabavku roba – informatička oprema (lot 1). Predmetna nabavka je predviđena Planom nabavki Uprave za 2021. godinu, robe-redni broj 7, a procijenjena vrijednost nabavke je 105.000,00 KM bez uračunatog PDV-a.

Dana 12.11.2021. godine na Portalu javnih nabavki BiH je objavljeno obavještenje o nabavci, broj obavještenja 1292-1-1-19-3-15/21, a u Službenom glasniku Bosne i Hercegovine broj 71/21 je dana 19.11.2021. godine objavljen sažetak obavještenja. Tenderska dokumentacija je potencijalnim ponuđačima učinjena dostupnom na Portalu javnih nabavki.

Dana 3.12.2021. godine sa početkom u 12,15 sati izvršeno je javno otvaranje blagovremeno pristiglih ponuda, te je u zapisniku sa otvaranja ponuda konstatovano da je u ostavljenom roku zaprimljena jedna ponuda, kako slijedi:

Naziv/ime ponuđača	Ukupna cijena ponude (bez PDV-a)	Iznos PDV-a	Ukupna cijena sa PDV-om	Ponuđeni popust
„Kamer Commerce“ d.o.o. Sarajevo	104.797,29 KM	17.815,54 KM	122.612,83 KM	Ne

Nisu konstatovane neblagovremeno pristigle ponude.

Zapisnik sa otvaranja ponuda je odmah putem pošte upućen na adresu ponuđača koji je dostavio ponudu.

Komisija je izvršila provjeru kompletnosti i ispravnosti ponude, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera iste, te je izvršen pregled i provjera garancija, obrazaca i drugih dokumenata.

Pregledom i analizom dokumentacije koju je dostavio ponuđač, a koja je propisana u tenderskoj dokumentaciji Komisija je utvrdila da je ponuđač dostavio dokumentaciju koja je zahtjevana tenderskom dokumentacijom. Također je utvrđeno da je ponuđač dostavio garanciju za ozbiljnost ponude broj 1259274 od 2.12.2021. godine izdatu od strane BBI banke dd Sarajevo na iznos od 1.575,00 KM (1,5% od procijenjene vrijednosti nabavke).

Obzirom da je u ostavljenom roku zaprimljena samo jedna ponuda, shodno članu 3. stav (3) Pravilnika o uslovima i načinu provođenja e-aukcije („Službeni glasnik BiH“, broj 66/16) e-aukcija se nije mogla zakazati.

Kriterij za dodjelu ugovora je najniža cijena ponude.

Izvršenim uvidom u specifikacije ponuđenih roba, utvrđeno je da iste svojim tehničkim karakteristikama odgovaraju zahtjevima tenderske dokumentacije. U daljem toku postupka je ponuda razmatrana sa aspekta prihvatljivosti ponuđene cijene. Ocijenjeno je da su ponuđene cijene prihvatljive, te da je i ukupna ponuđena cijena u okviru sredstava planiranih za predmetnu nabavku. Također je konstatovano da je za nabavku predmetnih roba proveden otvoreni postupak, čime je osigurana puna transparentnost postupka javne nabavke na način da je omogućeno svim zainteresiranim ponuđačima da učestvuju u postupku javne nabavke. Isto tako je utvrđeno da je

ponuđena cijena u skladu sa osiguranim sredstvima za nabavku. Slijedom svega naprijed navedenog, nisu postojali niti formalni, niti drugi razlozi za odbacivanje ponude.

Imajući u vidu sve istaknute okolnosti, komisija je sačinila preporuku broj 01-04-6-02219-3/21 od 3.12.2021 godine, koju je dostavila direktoru uprave na razmatranje, a u kojoj je predloženo da se ugovor u skladu sa kriterijem najniža cijena tehnički zadovoljavajuće ponude dodijeli ponuđaču „Kamer Commerce“ d.o.o. Sarajevo.

Obzirom da navedeni ponuđač uz svoju ponudu nije dostavio potvrde/uvjerenja nadležnih organa iz kojih je vidljivo da ispunjava uvjete iz člana 45. ZJN iste je dužan dostaviti u roku od 5 dana od dana prijema ove odluke.

Prilikom razmatranja dostavljene preporuke Direktor Federalne uprave za inspeksijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.



DIREKTOR

Anis Ajdinović

Dostaviti:

1. „Kamer Commerce“ d.o.o. Sarajevo, Blažujski drum 14, 71210 Ilidža-Sarajevo
2. Sektor za materijalno-finansijske poslove
3. Sektor za tehničku podršku i plansko-analitičke poslove
4. Komsija za javne nabavke (a/a).